

## Das siben vnd zwanzigst Capitel.

Summarische vnd durchgehende Beschreibung/  
der Drihen so an dem See gelegen / zu besserem  
Nachricht darbey gelegten See-Karten.

**I**ndem Anfang / Herkommen / Aufgang vnd Erbauung der  
Statt Lucern / von ihrem Regiment / vnd was sich denckwürdi-  
ges in selbiger zugetragen / haben die hin vnd wider in disen  
Buch angezogene Scribenten, wol vnd gnugsam geschriben / vnd son-  
derlich hat der offte angedeyt Stumphius zu end seiner grosser Chronica,  
derselbigen Anfang / Alter / Befreyung / Herschung / Pündtussen / wie  
auch die Gestalt / Gestiffe / Mannschafft / vnd Chronick würdige  
Thaten / bis auff das 1571. Jahr / so vil Er gewißt / ordenlich ver-  
zeichnet. Weilten aber dise Statt seidhero mit vilen Gebäwen / gezeich-  
ret / massen dann die hölzerne Häuser mehrentheil geschliffen / vnd stei-  
nerne dargegen auff gebawen worden / darmit dann noch immerdar fort  
gefahren wirdt / so will ich als hievor gemeldet / nur durch gehend vnd  
kürz begrifflich der fürnembsten etwas Meldung thun vnd mein Anfang  
machen bey den Kirchen / vnd erslichen sagen / von der rechten Pfahr-  
kirchen bey St. Leodigarij auff dem Hoff / die selbige nach demie sie /  
800. Jahr gestanden. Ist Anno 1633. an dem heiligen Ostertag ware  
der 27. Tag Merken / zu Abend / durch einen liederlichen Zustand in  
das Feur kommen / vnd sampt den Altären ganz verbronnen / auch die  
herliche Orgel vnd Glockenschaar verschmolzen: Dar auff / vnd zum  
ersten die Glocken / durch ein Hochweyse Oberkeit der Statt / mit zu-  
thun Löblicher Burgerschafft vnd Andächtiger Persohnen / alsobald  
widerumb gegossen / vnd in Musicalische concordantz oder Harmonen  
gerichtet / nachgerndts die Kirchen vnd Fundament auff geführet / ge-  
woibet / die Thürn mit Kupffer gedeckt / drey köstliche Orgelen deren  
die